

# AGAMA DAN KEWAJIPANNYA KEPADA MANUSIA

## PANDANGAN HIDUP ISLAM

Dalam karangan yang berharga ini Tuan Muhamad Salih Suaidi penulis Islam Indonesia yang terkenal menghuraikan soal ini dengan huraian yang jelas mendalam dan menarik.

(oleh Muhamad Salih Suaidi)



Menurut Islam segala sesuatu di dunia dan akhirat adalah milik Allah dan ciptaan Allah serta akan kembali kepada Allah sesuai dengan ucapanNya : *“innā lillāhi wa innā ilayhi rāji ‘ūn.”* (Kita semua kepunyaan Allah dan kita semuanya kembali kepada Allah) surah al-Baqarah: 156.

Dari Allah, milik Allah, dalam kekuasaan Allah dan kembali kepada Allah bukan dari benda, dimiliki benda, dikuasai benda dan berakhir kepada benda seperti ajaran materialis, komunis atau kapitalis.

Apa yang dikatakan “milik” bagi manusia adalah tidak hakiki atau mutlak yang boleh dia berbuat sekehendak hatinya, tetapi mencari dan muqid (terbatas)

Dunia Pinjaman Allah

Segala sesuatu di dunia ini berupa diri, keluarga, umat dan bangsa harta kekayaan bumi. Tanah dan air, semuanya adalah dijadikan Allah untuk manusia, seperti firman Allah maksudnya:

“Allah yang menjadikan segala yang di bumi untuk kamu” surah al-Baqarah: 29

“Dan Aku tundukkan segala isi langit dan bumi untuk kamu (hai umum manusia) . “Dijadikan Allah untuk dipakai dan dipergunakan manusia bagi mencapai kebahagiaan dan kesentosan di dunia dan akhirat. Lahir dan batin, jasmani dan rohani, baik sebagai persuratan atau sebagai kumpulan umat manusia.

Manusia Khalifah Allah

Untuk mempergunakan segala nikmat kurniaan Allah itu, Allah menciptakan manusia dan menganggap dia sebagai “wakilnya”. Sebagai khalifah, bagi mengurus, mengatur, memakai dan mempergunakan sebanyak-banyak faedah dan manfaat dari segala yang di bumi Allah ini, seperti firman Allah maksud-Nya:

“Aku jadikan manusia di atas ini sebagai khalifah pengurus dan penguasa atas nikmat kurniaan Allah” 30, surah al-Baqarah.

## Terikat Kepada Hukum Allah

Sebagai orang yang “dipinjami” terikat kepada syarat-syarat dan peraturan “yang meminjam” begitu juga manusia yang “dipinjami” Allah segala isi dunia ini dalam mempergunakan dan mengurusnya. Ia kepada syarat-syarat dan aturan-aturan yang khalifah (wakil) yang diserahi mengurus, mengatur dan mempergunakan isi dunia ini, maka manusia tidak bebas mempergunakannya sekehendak hatinya dan sepanjang perimbangan akal dan ilmu sahaja dan ilmunya sahaja tetapi ia terikat pula kepada batasan yang diberikan oleh Allah.

Sebaliknya, kalau diserahkan sahaja kepada manusia mengatur, mengurus dan memakai nikmat Allah sekehendak hatinya dan untuknya, nafsu dan ilmunya, maka pasti kebinasaan yang jadi akibatnya menimpa dirinya dan sama jenis manusia, sebab hatinya sentiasa dipengaruhi oleh hawa nafsu yang tidak terbatas, sedang akalnya dengan ilmu dan pengalamannya tidak dapat meliputi segala soal segala tempoh dan zaman. Hal itu tegas digambarkan oleh firman Allah, maksudnya: “Kalau kebenaran menurut sahaja kehendak hawa nafsu manusia tentu robeklah langit, bumi, dan isinya.” al-Mukminūn: 71.

## Bertanggungjawab Kepada Allah

Sebagai “peminjam” amanah Allah dan “penguasa” nikmat Allah, selain ia terikat kepada “syarat” dan “peraturan” “si pemberi penjaminan” dan “si pemberi kuasa” iaitu Allah Rabb Al-amin. Manusia bertanggungjawab kepada Allah atas cara bagaimana dan kerana apa dipergunakannya diurusnya dan dikuasainya nikmat Allah isinya dunia ini, seperti firman Allah, maksudnya:

“Dan pasti kamu akan diminta bertanggungjawab atas nikmat Allah yang kamu terima.”

## Agama: Peraturan Memakai nikmat Allah

Sesuai dengan dasar di atas, maka Allah ‘azza wa jallā memberikan batas-batas dan peraturan-peraturan serta syarat-syarat bagaimana dan kerana apa nikmat Allah di dunia ini mesti disebut “agama.”

Sesuai dengan hajat keperluan manusia sendiri, maka semenjak mula manusia yang pertama dijadikan Allah iaitu Adam, diberilah atau diturunkanlah agama kepada manusia serta alam sekelilingnya bagi kesentosaan dan kebahagiaan hidupnya lahir batin, jasmani dan rohani, dunia dan akhirat. Kerana tujuan agama itu ialah keselamatan dan kesentosaan. Maka diberilah ia nama oleh penciptanya sendiri, iaitu Allah dengan nama “Islam.”

Agama Islam itulah yang diturunkan Allah kepada nabi-nabi dan rasul-rasul semenjak nabi Adam. Beransur-ansur disempurnakan semua dengan bertambah tumbuhannya kecerdasan akal dan rohani umum manusia serta sesuai dengan meluasnya hajat keperluan kehidupan manusia, sehingga pada tingkat yang akhir, Islam mencapai puncaknya kesempurnaannya dalam bentuk yang diturunkan Allah kepada Nabi Muhammad SAW. Sebagaimana yang ditegaskan oleh firman Allah dalam ayat yang akhir turunnya kepada nabi Muhammad, maksudnya:

“Hari ini – hari haji perpisahan – telah-Ku sempurnakan bagimu agamamu, dan kecukupkan bagimu nikmat-Ku dan redhalah Aku Islam jadi agama bagimu.” 3, surah al-Māidah.

Dalam lain ayat, Allah berfirman maksudnya: “Dan barangsiapa menghendaki lain dari Islam jadi agamanya, tidaklah akan diterima Allah amal usahanya, dan di akhirat tanpalah ia jadi orang yang rugi.” 85

Ali ‘Imrān.

sambungan pada muka 33